

# Program Kaigan De Plogging, Ikuzo! pupuk disiplin kebersihan



**DEMI ALAM SEKITAR...** Antara peserta yang menayakan Program Kaigan De Plogging, Ikuzo! di Pantai Tanjung Batu, Bintulu.

**BINTULU:** Sekitar 30 individu terdiri daripada pelajar Universiti Putra Malaysia Kampus Bintulu (UPMKB) dan wakil Lembaga Kemajuan Bintulu (BDA) menyertai Program Kaigan De Plogging, Ikuzo! di Pantai Tanjung Batu di sini, baru-baru ini.

Menurut kenyataan daripada UPMKB, program itu dianjurkan oleh Kelab Kebudayaan Jepun UPMKB dengan kerjasama pihak BDA.

"Program ini dianjurkan bertujuan memberikan sifat kesedaran tentang penjagaan persekitaran alam dengan melakukan aktiviti plogging selaras dengan tema 'A Step For The Environment' dan juga bersesuaian dengan Sustainable Development Goals (SDGs) matlamat 3, 14, dan 15.

"Aktiviti plogging merupakan aktiviti yang menggabungkan konsep beriadah sambil mengutip sampah di tepi pantai.

"Ini bermakna peserta akan beriadah dan mengutip sampah di kawasan Pantai Tanjung Batu," ujarnya.

Dalam masa sama, program itu juga menyemai budaya masyarakat Jepun yang mengutamakan disiplin kebersihan alam sekitar dalam diri peserta.

Antara pengisian program adalah slot ceramah yang disampaikan oleh Penolong Pegawai Kesihatan Persekitaran, Seksyen Sanitasi Alam Sekitar, BDA, Raymond Ngabong.

Jelasnya, beliau amat menyorkan aktiviti sebegitu diadakan lebih kerap dengan melibatkan komuniti luar.